


黃州府志



序

歲丁卯余奉

簡命來守黃州以夏五月受事

國家重熙累洽典章詳備薄海內
外文治所漸咸耀於光明檢閱
郡志自康熙乙丑歲經前守蘇

序一

公修輯六十餘年來舊獻典文
頗多脫漏遺軼夫志乘爲一郡
令典凡山川險易風俗淳澆制
度之因革損益人文食貨之盛
衰多寡莫不備載守土者相其
緩急而輕重布之乃古卿大夫



朝考庶政夕省典刑之義顧曠
闕弗備其何以圖報稱且昔先
大夫康熙辛卯講學江漢迨後
自吳返秦經過臨臯赤壁閒見
其風土厚善士大夫之說禮敦
詩尊賢而樂道也形之歌咏載

序二

在家編余心識之不能忘今獲
親履其地守土治民監於成憲
其永無愆書有明訓何敢置爲
緩圖爰是於戊辰良月諏日開
館延邑之太史誠合靖公及郡
中文學之士與之商榷搜討補

後來所缺遺兼訂前志之謬誤
爲綱十爲目四十有八凡八閱
月竣事夫今之黃非猶昔之黃
也唐宋以前蘄黃分治而黃爲
下州自明世以蘄州來屬幅員
方長跨據揚粵上游作全楚門

序三

戶數百年來衣冠文物財賦之
盛甲於諸郡從來地以人重人
以文顯昔蘓文忠以遷客來此
不治民事王元之兩制舊臣一
麾出守故竹樓赤壁雪堂月波
樓諸作寄托曠達之音以抒其

牢騷抑鬱不平之概雖山川故蹟賴以不朽要未可云經國大業也若夫徵文考獻舉歷代良守明牧賢令師儒之所建樹與一郡中名臣碩儒忠孝節義潛德之幽光咸表章於簡策俾將來有所感慕景行追匹休於前哲以副

序四

國家久道化成之盛治而余亦得少慰其夙興夜寐無忝所生之素心則斯志之輯庶不爲無當之卮言也夫

皆

乾隆十四年歲在屠維大荒落

之蒲月

誥授中憲大夫知黃州府事關中王

勅題



序五

序

太守關中王公於乾隆戊辰十月開志館
招邑文學之士編輯郡志

道謨以衰年昏

耄備負其間越明年夏五志稿成太守公

親為釐定校覈嚴體例慎去取并序於端

而屬

謨

以一言繼其志

謨

考黃州之有志

舊矣宋景德四年凡四方郡縣所上圖經

序一

詔翰林李宗諤等刊修校定為一千五百
六十餘卷南渡後多散軼而止齋陳氏家
尚存有蘊越黃三州刻奉乾道間郡守李
訖於圖經四卷外又以近事為附錄一卷
訖參政李邴子朱子所為作二程夫子祠
記者也慶元己未郡守李昭問俾教授厲
居正重修齊安志二十卷可謂詳且備矣

去今不六百年求片紙隻字絕不可得即
明萬歷乙亥所修志僅於康熙乙丑志中
存其一序歷代文獻無徵昔人云作史之
難無如志殆尤莫難於黃州志矣夫時代
遼邈傳聞何可盡信黃州周弦子國而混
於江黃蘄水漢軹縣地而入於蘄春則地
理之訛也周仁毛珩余闕本汝南陳留廬

序二

州之產而係以黃岡麻城羅田之人則人
物之謬也邾城有二而混為一舉水倒水
酈元有注而無其名黃歇樊噲封邑濶絕
而載其墓則古蹟山川陵墓之舛也其他
錯誤難更僕數大約記載所傳聞多不復
考信於正史想當年景德乾道慶元之圖
經志錄決不如是則兵燹之所焚棄風雨

蟲蠹之所浥蝕文獻名邦幾同儻荒陋壤
披覽遺文徒滋疑竇耳謨自早歲每遇遺
老輒訪問鄉里故實後來奔走四方修志
滇黔書籍所紀有關故國者手自劄記積
久成帙今來館中同事張君緒茲出其大
父斗符先生郡志注遺五卷糾正傳聞之
謬與余劄記符合者十有六七喜先得我

序三

心因與同事諸君子共相商榷訂譌補缺
以就正於太守公太守先大夫關中理
學名儒研經味道屢徵不起海內所稱豐
川先生者也昔年海寧陳實齋先生開府
湖北禮聘來楚講學江漢書院謨曾與執
經之列師友淵源校讐之役尤義無可辭
夫沿流溯源忝互考訂以搜討遺軼生長

鄉土者之責也修舉文獻以昭明政治而
激厲風化則太守公於此有深意焉後之
覽者可以興矣郡人前史官靖道謨序

黃州府志纂修職員

總裁

知黃州府事關中王勅

監修

黃岡縣知縣邵豐鏞

蘄州知州蔣尙德

蘄水縣知縣葉爲舟

羅田縣知縣馮孫龍

麻城縣知縣夏封泰

黃州府志

職員

一

黃安縣知縣李晉岳

廣濟縣知縣虞學灝

黃梅縣知縣任重

總修

前翰林院庶吉士靖道謨

分修

黃州府學教授王宇大

黃州府學訓導吳緒榮

黃岡縣學教諭徐成澗

黃岡縣學訓導劉崇文

黃岡縣學廩生張念祖

蘄州生員陳于座

蘄水縣監生南昌齡

黃安縣學廩生張炳翰

廣濟縣學生員胡本榮

分校

黃州府學生員靖必會

黃岡縣學生員靖必簡

黃州府志

職員

二

黃岡縣學生員杜乘時

黃岡縣學生員陳發

蘄水縣學生員徐立猷

黃梅縣學生員於時舉

蘄水縣學生員李聞韶

監刊

黃岡縣學訓導劉崇文

凡例

一考前明乙亥志爲綱七曰地理曰建置曰田賦曰職官曰選舉曰人物曰雜志

國朝乙丑志增其二曰天文曰藝文易雜志爲稗函共爲綱九爲目三十六今擬立十綱首地理次建置次賦役次學校次職官次選舉次人物次藝文次雜志次外志增損之故詳見於後

一古者左圖右史省府縣志之有圖謂幅員廣狹山川遠近封疆之犬牙相入者可一覽知也舊志之圖取

黃州府志

凡例

一

其方又止於城郭而四境畧焉昔馬文淵聚米爲山川而隴蜀之形勢如在目前圖顧可忽歟今將各州縣四至之贏縮相錯者詳列圖中不必繪畫之工惟求形勢之肖

一志首沿革自秦漢以來郡縣隨時異屬亦隨代異名卽如齊安郡蕭齊高齊蕭梁皆有而地各異卽邾城亦有新故之殊記載分明始不啓後人疑竇蓋黃州界江淮之間自吳魏至陳隋朝更暮改參考歷代史書庶幾有條不紊舊志簡畧今加詳核

一經星一度分野幾三千里黃州幅員未及其半繁稱遠引傳會居多明代乙亥志以地理居首不列天文甚爲卓識今從之

一春秋傳曰國主山川疆域有時改移山川萬古不易此禹貢分州之遺法也然紀山止云在縣何方去縣幾里其淺焉者也凡山或有所由名或有事可紀亦須點綴一二方足爲林麓生色卽紀方紀里亦須有序方則由東南以及西北里則由近以及遠庶覽者心目瞭然

黃州府志

凡例

二

一紀水又與紀山不同山以方向爲主水以源流爲主蓋水曲折逶迤東西不一雖北方諸水皆謂之河而潭涇溪港隨地異名黃屬之水皆以江爲歸而入江之水有經流支流之別紀水者先經流源出某處流向何方爲某名又流向何方某水入焉至某處入於江其支水來會者俟敘完經流之後亦從源及委如敘經流之法方爲脈絡分明卽以黃岡言之巴水界其東倒水界其西舉水貫其中皆經流也上巴河卽巴水所經其入江處爲巴河口亦曰巴口舊志隨俗

稱謂於出口處以巴河目之而又另列上巴河之名
幾若別是一河至於舊洲長河石頭潭皆舉水所經
紫潭河石板潭皆倒水所經而舊志先後錯出且並
無舉水倒水之名今俱爲考正他州縣亦如之

一易曰王公設險以守其國形勢之謂也蓋形勢所在
必周覽川原之概參考古昔成敗得失之由使將來
按圖據籍酌其緩急輕重之宜布置措施以成保障
之計郡國之志莫重於此至於疆域之廣袤遠近一
走卒能言之耳今以形勝次古蹟之後列疆域之前

黃州府志

凡例

三

一凡志載物產有通產專產之分舊志止載專產而通
產遺焉今補入

一國之大事在祀與戎王者建威消萌雖外戶不閉之
世武備不可一日而弛黃州一協蘄州一營居全楚
之委近又以道士洑一營隸焉益壯東南之形勢故
營汛另標一目以重干城之寄其道士洑營不復紀
非黃郡地故也

一修關梁塞蹊徑著於月令舟楫以濟不通易象昭垂
黃界江淮之間五關崔嵬南北要害長江天險河流

漸紛關津之設尤爲急務故另爲一目

一山川乃天地自然之位置橋梁堤壩則後人創設之規模故以山川歸地理志以橋壩歸建置志

一楚爲澤國黃受委輸水多山少扞衛田畝全賴隄坊近例又令州縣佐貳官皆兼水利之銜誠重其事也修築雖有在官在民之異然特標一目使守土者觸目警心則先事爲桑土之綢繆臨時有固護之善策自可如長虹蜿蜒克輦無虞矣

一黃州蘄州二衛皆有屯田屯糧蘆課人雖有軍民之

黃州府志

凡例

四

分物土之宜以供賦稅其義一也舊志附於職官今改附田賦之後

一王者藏富於民積貯者天下之大命恭逢

聖代軫念民瘼常平社倉犁然俱舉每逢歉歲蠲賦賑粟惠政兼行卽當豐稔之年累下蠲免之詔厚澤深仁淪肌浹髓增積貯蠲恤二門以昭

盛朝之良法美意焉

一學校舊志與公署城池同居建置之目恭惟

聖祖仁皇帝特頒萬世師表匾額

世宗憲皇帝加封先聖五代王爵

皇上頒朱子崇安訓士文於太學文治光昭超軼前代謹另立一綱凡

御頒書籍書院義學學田諸項悉附焉

一舊志不載蘄州藩封爲其國除之故然屯衛之指揮鎮撫其官亦革晉之豫州刺史元之蘄州總管俱非今制皆未嘗不載其人而獨汰乎藩封亦覺輕重失據矣且黃郡封爵自周漢以來歷歷可指不獨有明一代今據歷代史書及年表補入以存古昔封建之

黃州府志

凡例

五

遺意

一歷代史書宰相宗室皆有表唐書有藩鎮表明史有七卿表成一府之志則府屬各官俱宜列表旣便觀覽亦省方幅今列知府同知通判爲一表府教授訓導經歷照磨爲一表各州縣知州知縣學正教諭訓導縣丞典史爲一表通府武職副總兵營守備衛守備千總合爲一表其巡檢驛丞河泊之類則有州縣志載之故舊志從畧

一名宦所紀皆有功德於斯民者最宜詳審省志中間